

MONITORI

i Sfidës së Mijëvjeçarit për Shqipërinë



BULETIN INFORMATIV DYMUJOR
Numri #4 Korrik – Gusht 2007

Marrëveshja dyvjeçare e Pragut të Sfidës së Mijëvjeçarit me vlerë 13.85 milion dollarë mes Qeverisë së Shqipërisë (QSh) dhe Korporatës së Sfidës së Mijëvjeçarit (MCC, www.mcc.gov), e cila administrohet nga USAID, ndihmon qeverinë shqiptare në reformimin dhe modernizimin e administratës tatimore, prokurimeve publike dhe regjistrimin e biznesit, duke ofruar zgjidhje të TI dhe përmirësime legislative.

ZHVILLIMET LEGJISLATIVE

Projekt-ligji për procedurat tatimore do të modernizojë administratën tatimore

Në muajin gusht Ministria e Financës, e mbështetur nga projekti, përfundoi hartimin e një ligji të ri për procedurat tatimore, si dhe rishikimin e parë të brendshëm të këtij drafti. Projekt-ligji i ri merret me çështje të rëndësishme administrative lidhur me mënyrën se si Drejtoria e Përgjithshme Tatimore (DPT) kryen punën e saj të përditshme. Disa nga përmirësimet kryesore të propozuara përfshijnë rishikimin e sanksioneve ose të regjimeve të ndëshkimeve për shkeljet tatimore, me ndëshkime më të pakta në numër dhe më të drejta; procedurat disiplinore për shkeljet nga zyrtarët dhe punonjësit tatimorë; një përkufizim të qartë të të drejtave dhe detyrimeve të tatimpaguesve; përfundimin e dispozitave që lidhen me konfidencialitetin, çështjet e informimit të palëve të treta, regjistrimin, mbajtjen e të dhënave të tatimpaguesve, rregullat e arkëtimit dhe dispozitat për mbledhjen e detyruar të borxheve. Këto rregulla e procedura të reja do të krijojnë një administratë më të mirë tatimore, e cila e vë theksin në marrëdhëniet pozitive me tatimpaguesit dhe në kërkesa të thjeshtuara. Sapo të përfundojë rishikimi i brendshëm, projekt ligji do të ofrohet për konsultim publik.

U kompletua kuadri ligjor për Qendrën Kombëtare të Regjistrimit

Gjatë muajve korrik dhe gusht Këshilli i Ministrave rishikoi dhe miratoi aktet nënligjore që përcaktojnë krijimin e QKR-së si entitet ligjor. Këtu përfshihen urdhrat e KM lidhur me organizimin dhe stafin e QKR-së, me procedurat e reja të regjistrimit, strukturën e tarifave për shërbimet e regjistrimit dhe çështje të tjera. Një urdhër i përbashkët i Ministrisë së Drejtësisë dhe METE shënoi fillimin e procesit për transferimin e regjistrave tregtarë nga 29 gjykatat e rretheve për në QKR, në kohë për fillimin e funksionimit të QKR më 3 shtator. Kjo shënon fillimin e procesit për krijimin e Regjistrat Tregtar në QKR, në pajtim me ligjin për QKR dhe direktivat e BE.

ZHVILLIMI I KAPACITETEVE INSTITUCIONALE

Plotimi i Shërbimeve moderne për Tatimpaguesit në Tiranë

Modernizimi i shërbimeve për tatimpaguesit në Shqipëri përbën një objektiv kryesor për projektin e Sfidës së Mijëvjeçarit. Qëllimi është vlerësimi dhe mbledhja me efikasitet e tatimeve, kursimi i kohës së tatimpaguesve, siguri më i mirë i informacionit për ta dhe reduktimi i mundësisë për korrupsion. Për këtë qëllim, projekti po mbështet DPT në përmirësimin e procedurave dhe strukturës së saj organizative, në trajnimin e stafit dhe në hartimin e planeve dhe të aktiviteteve për marrëdhëniet me publikun. Me përfundimin e ndërtimit të zyrave të Shërbimit për Tatimpaguesit në selinë qendrore të DPT, projekti do të sigurojë edhe pajisjet IT dhe programin kompjuterik për Manaxhimin e Marrëdhënieve me Klientët, që është dizajnuar për këto shërbime.

I dashur lexues,

3 shtatori shënon një ditë të rëndësishme historike për biznesin në Shqipëri. Qendra Kombëtare e Regjistrimit (QKR) do të hapë dyert e saj, për t'u kthyer kështu në të vetmin vend ku mund të regjistroni biznesin dhe të përditësoni të dhënat për kompaninë tuaj. Ditët kur regjistrimi i biznesit ishte një proces ligjor, i cili zgjaste shumë ditë dhe kërkonte shumë vizita në zyra të ndryshme qeveritare, i takojnë tashmë së kaluarës. Tashmë, duke vizituar QKR në Tiranë, një sportel shërbimi të QKR-së në bashki, që do të hapen së shpejti, ose duke vizituar faqen e internetit të QKR (www.qkr.gov.al) ju mund të merrni të gjithë informacionin dhe formularët e nevojshëm për të regjistruar biznesin tuaj, përmes një procesi administrativ. Dhe pagesa për çdo shërbim të ofruar nga QKR për regjistrim ose përditësim të dhënash është vetëm 100 L.

QKR kthen në realitet premtimin e qeverisë për të ofruar një proces regjistrimi njëditor, me një ndalesë të vetme, për biznesin në Shqipëri. Duke plotësuar saktë formularin e aplikimit pranë QKR-së ose në zyrën tuaj, si dhe me dokumentat e duhura mbështetëse, ju mund të dorëzoni kërkesën për të regjistruar biznesin tuaj në QKR ose në sportelet e QKR-së në Bashki dhe mund të merrni përgjigje brenda një dite. Sapo të miratohet ligji për nënshkrimin elektronik, do të keni mundësi ta regjistroni kompaninë tuaj plotësisht on-line. Kjo është nisma e qeverisë për ta bërë hapjen e një biznesi në Shqipëri më të lehtë, më të shpejtë dhe më pak të kushtueshme.

Falenderojmë përzemërsisht projektin e Marrëveshjes Prag të Sfidës së Mijëvjeçarit për mbështetjen që i dhanë qeverisë në realizimin e kësaj ëndrre për bizneset në Shqipëri. U jemi mirënjohës gjithashtu edhe shumë ekspertëve dhe drejtuesve në Ministrinë e Ekonomisë, Tregtisë dhe Energjisë, si dhe ekspertëve të jashtëm, që bënë të mundur krijimin e QKR-së në më pak se një vit.

Ndërkohë që ky numër i Monitorit të Sfidës së Mijëvjeçarit për Shqipërinë është në proces printimi, disa prej jush do të kenë vizituar tashmë QKR ose faqen tonë të internetit për të regjistruar biznesin tuaj të ri ose për të përditësuar të dhënat e kompanisë suaj. Shpresoj që përvoja juaj të ketë qenë dhe të vazhdojë të jetë gjithmonë e kënaqshme.

Sinqerisht,
Z. Tomi Kola
Drejtor i Përgjithshëm
Qendra Kombëtare e Regjistrimit



Zyrtarët e PP nga pesë rajone të vendit bëjnë provimin e çertifikimit në fund të seminarit.

Përgatiten të fillojnë punën punonjësit e QKR-së

Në muajin korrik, METE njoftoi emërimin e Drejtorit të Përgjithshëm të QKR-së, z. Tomi Kola, ish-Këshilltar Ekonomik i Ministrit Ruli. Gjatë muajve korrik dhe gusht z. Kola drejtoi procesin për punësimin e stafit të QKR-së, bazuar në përshkrimet e punës dhe strukturës së stafit të propozuar nga projekti. Në fund të gushtit, 22 punonjës të sapo-emëruar të QKR dhe 26 punonjës bashkie, të caktuar për të shërbyer në sportelet e QKR-së pranë bashkive, përfunduan një trajnim intensiv dyjavor për kuadrin ligjor, formularët dhe procedurat dhe sistemin e regjistrimit elektronik të QKR.

U çertifikuan zyrtarët e prokurimit publik

Gjatë muajit gusht Agjensia e Prokurimeve Publike, e mbështetur nga projekti, u përqëndrua në zhvillimin e kapaciteteve të zyrtarëve të prokurimit publik në nivel komune dhe bashkie. 207 zyrtarë të prokurimit publik nga 207 bashki dhe komuna u çertifikuan pas përfundimit të seminareve të trajnimit që u zhvilluan në Shkodër, Elbasan, Durrës, Sarandë, Berat, Dibër dhe Korçë. Kjo e çon në 670 numrin e zyrtarëve të trajnuar të prokurimit publik duke filluar nga muaji janar 2007. Manuali i Prokurimit Publik që u shpërnda gjatë këtyre seminareve, do të ndihmojë zyrtarët e çertifikuar të zbatojnë në mënyrë efektive kuadrin e ri rregullator.

QEVERISJA ELEKTRONIKE

Tatimpaguesit e mëdhenj testojnë sistemet e deklarimit dhe pagesës elektronike

Në fillim të muajit gusht dhjetë tatimpagues të mëdhenj provuan se sa e lehtë dhe e përshtatshme është deklarimi elektronik i tatimeve. Ata morën pjesë në testimin e parë të sistemit për deklarimin dhe pagesën elektronike të deklaratave mujore të TVSH, sistem që u zhvillua nga projekti. Tatimpaguesit konstatuan se sistemi ishte i qartë dhe i lehtë për t'u përdorur. Dorëzimi në formë elektronike i deklaratave tatimore të biznesit do të rrisë efikasitetin dhe do të reduktojë koston si për tatimpaguesit, ashtu edhe për DPT.

Prokurimi elektronik 'merr bekimin' e operatorëve ekonomikë

Në muajin gusht 27 operatorë ekonomikë morën pjesë në testimin e platformës së prokurimit elektronik që u zhvillua nga projekti. Ofrues të shërbimeve të internetit, kompani ndërtimit dhe shumë lloje të tjera të biznesit provuan sistemin duke vepruar si ofertues në tendera të simuluar publikë e duke "dorëzuar oferta" nga zyrat e tyre përmes platformës së prokurimit elektronik. Ata dhanë mendime të dobishme për ta bërë sistemin sa më të thjeshtë për t'u përdorur dhe e mbështetën atë fuqimisht. Këto teste do të vazhdojnë gjatë muajit shtator.

U lançua faqja e internetit e QKR

Duke filluar nga 28 gushti bizneset kanë një adresë on-line ku mund të gjejnë gjithë informacionin që u nevojitet për regjistrimin dhe përditësimin e të dhënave të tyre. Në faqen e internetit të QKR www.qkr.gov.al/ bizneset mund të gjejnë të gjithë formularët për regjistrimin e biznesit dhe për përditësimin e të dhënave, udhëzime të hollësishe se si të plotësojnë dhe të dorëzojnë aplikimin e tyre, si dhe kuadrin ligjor për regjistrimin e biznesit në Shqipëri. Formularët janë testuar gjerësisht në mënyrë të plotë për t'u siguruar që janë të lehtë për t'u përdorur dhe në përputhje me ligjet e tjera tregtare shqiptare, siç është ligji për kompanitë.

Nëse keni pyetje mbi projektin, na telefononi ose na shkruani në adresën e mëposhtme:

Marrëveshja e Pragut të Sfidës së Mijëvjeçarit për Shqipërinë

Rruga "Pjetër Budi", kati I, nr. 10
Tiranë, Shqipëri
Tel: +355 4 380 400
Faks: +355 4 380 424
Email: office@mcata.org.al
E-mail: office@mcata.org.al
www.mcata.org.al

KOHËZGJATJA E PROJEKTIT: Shtator 2006 - Shtator 2008



Pamje nga faqja kryesore në internet e QKR.

MARRËDHËNIET ME PUBLIKUN

Përpjekje për të informuar publikun mbi shërbimet e reja elektronike

Rritja e ndërgjegjësimit dhe pajtueshmërisë të sektorit privat me shërbimet e reja është faktor kyç për suksesin e reformës të qeverisë shqiptare të mbështetur nga projekti. Në pritje të hapjes së Qendrës Kombëtare të Regjistrimit në datën 3 shtator, projekti i ka rritur përpjekjet për të informuar publikun mbi shërbimet e ardhshme të QKR. Përgatitjet për një fushatë të plotë informimi përfunduan nga fundi i muajit gusht. Faza e parë e fushatës, e cila do të zhvillohet nën parullën: "Shërbimet publike elektronike – Më lehtë për biznesin në Shqipëri!", do të shtrihet në të gjithë vendin dhe do të zgjasë tre muaj.

Ruani çertifikatën e regjistrimit të biznesit tuaj!

Me regjistrimin tuaj të përfunduar, të miratuar ose të përditësuar, do të keni...

Dëshmi se keni përbushur detyrimet ligjore – përmes Çertifikatës zyrtare të Regjistrimit, të pajisur me numrin NPT. Dëshmi se keni plotësuar detyrimet ligjore për regjistrim për tatimet, sigurimet shoqërore e shëndetësore, dhe regjistrimin pranë Inspektoriatit të Punës.

Ju lutemi, mbani mend se...

QKR do të mjaftojë administratën tatimore, sigurimet shoqërore dhe shëndetësore, si dhe Inspektoriatin e Punës për regjistrimin e biznesit tuaj. Ajo do të njoftojë edhe bashkinë ku ka selinë biznesi tuaj. Të gjitha bizneset e regjistruara do të vazhdojnë të komunikojnë drejtpërdrejt me këto autoritete për çështje që lidhen me detyrimet ndaj secilit prej tyre. Për marrjen e licensave duhet t'u drejtoheni autoriteteve përkatëse, të cilat duhet t'i miratojnë dhe t'i lëshojnë këto licenca.

Për informacion më të hollësishtë vizitoni faqen e internetit të QKR, www.qkr.gov.al/

Nga 4 shtatori 2007, në pajtim me Ligjin nr. 9722, datë 3 maj 2007, regjistrimi i bizneseve do të kryhet ekskluzivisht përmes Qendrës Kombëtare të Regjistrimit (me seli në kthesën midis rrugëve 'Lekë Dukagjini' dhe 'Ismail Qemali' në Tiranë, në ndërtesën prapa ndërtesës së Këshillit të Ministrave) ose në sportelet bashkiake të shërbimit të QKR-së.

Shërbimet Publike Elektronike - Më lehtë për biznesin në Shqipëri!



Poster i fushatës së QKR

VEPRIMTARI NË MUAJT E ARDHSHËM

- QKR do të hapë dyert më 3 shtator. Ceremonia e hapjes zyrtare të QKR do të zhvillohet në datën 10 shtator.
- Fushata e informimit të publikut mbi shërbimet e QKR do të lançohet në datën 10 shtator.
- Testim real i deklarimit të TVSH në formë elektronike i autorizuar nga DPT do të zhvillohet në mes të muajit shtator.
- Zyra e Avokatit të Prokurimit Publik do të inaugurohen në fund të muajit shtator.
- Trajnimi për marrëdhëniet me klientët i stafit të QKR, stafit të DPT për Shërbimet e Tatimpaguesve dhe stafit të Avokatit të Prokurimit Publik do të zhvillohet në muajt shtator dhe tetor.

Do të dëshiroja që ky sistem të përdorej në tenderat publikë në Shqipëri. Do të na i bënte jetën më të lehtë të gjithëve.", nga një biznesmen që mori pjesë në testimin e sistemit të prokurimit elektronik.